

բարուցն և զընտթեանցն բարութիւն առաջնորդ Ս․ Քաղաքիս, առ ինքն կալեալ ոչ տալով թոյլ հեռանալ բնաւ յինքենէ, զոր սա յօժարութեամբ կատարէր զամենայն հրամայեալն առ ՚ի նմանէ, որ եւ օժանդակութիւն ոչ սակաւ առնէր ՚ի շինումն Տնօրինականացն Քրիստոսի, Մընընդեան՝ և Ս․ Փրկչի և Հրեշտակապետաց՝ և Ս․ Յակոբայ տաճարացն, երբեմն անձամբ աշխատելով և երբեմն հրամանաւ Գրիգորի Հայրապետին ՚ի հեռաւոր և ՚ի մերձաւոր տեղիս նուիրակ գնալով, զորոյ գըրաղցր և զհամեստ բարսն տեսանելով՝ սիրէին զնա իրրեւ զառաքեալ ՚ի Քրիստոսէ, և յօժար սրտիւ զկամաւոր տուրս և զբաժինս հոգւոց իւրեանց տային ՚ի ձեռս նորա, և նա անսխալ զամենայնն հասուցանէր ՚ի Ս․ Քաղաքն Երուսաղէմ, առ ՚ի ընտլ զպակասութիւն եկեղեցւոյն Երուսաղէմի․ զի զամս և՛ զգործս զայս անտրտունջ կատարեաց, Ամիր Ազիզ զկնի մահուան Գրիգորի Պատրիարքի՝ եկաց ՚ի վանս Սուրբ Յակոբայ՝ նովին առաքինութեամբ, եւ բարի մահուամբ հանգեաւ ՚ի Տէր :

Գ Լ Ո Ւ Խ Խ Գ Ի .

Պատրիարքութիւն Աստուածատուր Եպիսկոպոսի : Տեսուչ Նեստորականաց : Վանօրոյք Ս․ Փրկչի՝ և Ս․ Հրեշտակապետաց : Զարութիւն աւազակաց : Ամբաստանութիւնք եւ բռնութիւնք այլազեաց : Գերեզման Ս․ Աստուածածնի :

Զկնի մահուան Գրիգորի Պատրիարքի Պարոն Տէր կոչեցելոյ․ ընտրեցաւ յԱթոռ Պատրիարքութեան Աստուածատուր Եպիսկոպոս Տարոնեցի․ ձեռնասուն աշակերտ նորին Գրիգորի, որպէս պատուիրեալ էր նա ինքն ՚ի կենդանութեան իւրուս՝ ընտրել զայն : Սա ինքն Աստուածատուր յետ ընտրութեան իւրոյ՝ ինքն մատոյց գիր աղաչանաց ՚ի Դուռն՝ յաւուրս Սուլթան Իպրահիմայ, ծանուցանելով զվախճան նախորդին իւրոյ՝ եւ զընտրութիւն իւր ՚ի տեղի նորա․ եւ խնդրեաց հրովարտակաւ հաստատել